

人急無智

顏銘志

禮拜日透早，我佢嬌某物件款好勢欲去 山，想袂到拄出門無佬久就落雨矣！姑不而將只好翻頭，乖乖仔轉來厝裡。若甲落雨袂當 山，就想講共房間小可摒掃咧。佇咧整理屨仔的時，看著一張阮炘兩個後生做陣去 山的舊相片，十幾年前的景象隨浮現佇腦海中。

會記得頭一擺炘兩個後生去 山是 今仔讀幼兒園的時陣，閣誠細漢，毋知 山是啥款，干焦知影會當出去耍就興嘖嘖應好。規路綴佇阮身邊，雖然行甲誠忝，毋過嘛行到頂懸，達成目標。第二擺，兩個嘛猶閣乖乖做陣出門。等到第三擺欲閣炘 去 山的時，猶未出門，兩個兄弟仔就同齊喝講：「阿爸， 山足無聊的，敢會使莫去？」我歹聲嗽講：「袂使，一定愛去！」兩個只好面憂面結、毋情毋願綴阮出門。因為按呢，兄弟仔就按呢沿路行沿路哼，一下仔講足熱，一下仔講足忝，想欲歇一下。我袂堪得 哼哼叫又閣想講：「芥菜無剝毋成櫟，囡仔無教毋成人。」就不時共教示一下，爸仔囡面腔攏真歹看。阮某看這個範勢，恐驚歹收尾就出喙講：「食緊會拚破碗啦！橫直時間閣真冗，這逝路嘛無危險，咱就予 兩個那行那耍，落尾會綴來就好！」我躊躇一下仔，想講按呢嘛好，就據在 行，較免得佇遐氣身惱命！

想袂到無插 了後，兩個兄弟仔連鞭逐蝶仔、連鞭跼佇草仔邊金金相，看著路邊焦涸涸的樹樑，兩人就做伙出力扛

佇肩胛頭，那行那喝：「heh-siooh！heh-siooh！」其他的山友看 彼款古錐的模樣，逐家攏微微仔笑講：「喔！囡仔兄，真勢！咧欲到矣，加油！」聽著遐濟人共 呵佬，兩個袂輸著獎全款，規路歡頭喜面行到頂懸歇暍的所在。

轉來到厝，阮某略仔滾耍笑共我談，講我平常時教囡仔都攏誠理性，袂烏白發性地，是按怎今仔日煞走精去？我歹勢歹勢，吐大氣講：「我嘛毋知，可能就親像人講的，水清無魚，人急無智。後擺我會較細膩咧，三思而後行，袂遐爾急性，較免得食緊拚破碗！」